

詠  
懷  
堂  
外  
集

詠懷堂詩外集 乙部

石巢阮大鍼集之著

衲子德 浩宗白較

還山詩

天啓甲子年

承明未釋履霜憂。補牘聊陳藿食謀。一聖世何嘗  
分蜀雒。野心長此托巢絲。寒闌秋露滋芳畹。種秫  
春煙動綠疇。自喜臣情遂休澣。白華晨夕咏悠悠。

其二

拂袖行吟歸去來。艸堂猿雀莫相猜。雲霄自媿無

詠懷堂詩

外集

乙部

脩翮。雨露誰爲棄。不材刺版不通羅。雀舍釣絲閒。  
集射蛟臺。浮雲去住何須計。笑盡山樽酒一杯。

其三

十年小艸溷風塵。五斗于人太苦辛。削木爲鳶應  
是幼。以蕉覆鹿定何真。簾垂慵就成都卜。瓶罄甘  
同粟里貧。但願九圍歌帝德。管絃時沸大江濱。

其四

滄江聊可濯吾纓。窮巷蕭條艸自生。掃徑定知童  
穉候。饋漿莫遣旅人驚。龍山佳氣朝飛爽。雁汊春

潮夜吐聲。應接清音。渾未暇。迴翔應不羨承明。

其五

奏賦金門願每違。年年敝盡黑貂裘。已持襤被沒  
名嶽。何意鳴珂拜瑣闈。腐艸爲螢難自照。長霄與  
鳥幸高飛。人生豈必皆朱轂。下澤烏犍策亦肥。

其六

神武門前拜表行。雲裝煙駕理孤征。星占處士山  
中臥。影弄嬰兒世上名。但使榆關銷轉鬪。何妨花  
塢有淡耕。故山片石真堪枕。况有松風襍梵聲。

詠懷堂詩

夕身

二  
乙  
音

其七

京塵冉冉鬢將枯。雞肋何知味有無。宦海驚濤送  
象馬。名場孤注奪臬盧。雲林繞屋千竿竹。烟水浮  
家一幅蒲。招得二三物外友。江湖鷺序未應遺。

其八

百年彈指卽經過。對酒高歌能幾何。棧豆一官何  
顧戀。鏡花雙鬢已蹉跎。峰霞缺處穿籃筍。水氣香  
時採芰荷。一枕黃梁酣夢醒。簪纓蘿薜不爭多。

其九

落日江晴開水烟。柴門正對大江邊。婆娑小葦簾。  
書閣。款乃遙聽載酒船。花鳥肯嫌官况冷。尊鱸逾  
感。主恩偏。山中暇日渾閒事。芳艸春深抱犢眠。

其十

蕭蕭五柳夕陽斜。蓬戶難辭鳥雀譁。客至一樽傾  
黍釀。行吟雙髻插山花。携筐石塢收松子。行藥雲  
根剪蕨芽。誰謂幽棲人事少。閒居拙政頗繁華。

其十一

潦倒真嫌息影遲。北山今始事逶迤。桃花好問秦

民棹。蘭芷能邀公子思。學稼農時循月令。招蒐蕪  
俗賦騷辭。逍遙自許同煙客。鋪荷千峰信所之。

其十二

金門無術習浮沉。歸亦慵爲澤畔吟。篋有圖經標  
五嶽。卧勝杖屨入千林。江鄉水族秋饒蟹。艸閣山  
燈夜報禽。幸以耕桑酬帝九。角巾真不讓華簪。

其十三

浮名落照意俱閒。閒眺飛鴻度遠天。野酌長依孤  
嶼月。初衣全澣五陵煙。每驚秋雨鳴山竹。更憶漁

歌動坨蓮。不識香林舊朋好。遲余可過虎谿邊。

其十四

無才安敢點朝班。物外樵漁尚可攀。任有網羅及  
鴻渚。誰將柯斧指龜山。種成芝術容招隱。鍊就松  
脂學駐顏。秋夜靈臺占氣象。少微的歷照江關。

舟次別陸都閩鳴野王淵泓朱殷如二孝廉  
郵程次第水雲間。棹雨檣燈每共憐。笑對鴟夷麾  
白羽。醉看龍氣隱青蓮。山樽細遞茱萸酒。印竹輕  
挑橋袖煙。別後相看明月吐。莫忘飛夢艸堂前。



懷止水宗白清隱小止諸上人

雙樹挂殘雪與君瓢笠分別愁歷煙艸歸夢破江  
雲月給閒猿嘯經資衆蛤聞白蓮秋露滿巾氎想  
清芬

其二

雲水暎茅茨人閒起卧遲蒸藜抱秋葉曝衲向山  
枝潭影澹相照松風幽自吹不知秋梵地幾雁落  
江湄

莫園東余駕部集生

莫園香尊者地淨神且圓  
座聞衣被香語破鴻濛  
煙羣魚咸聽法枯樹長安禪  
放心浩劫外置眼無  
生前丘陵旣以夷日月安得賢  
何況牛頰蟲而別  
萬與千爲我發大慈木鋸相披  
宣賑以塗毒鼓濯  
以清冷泉解我文字縛割我兒女緣  
令我毛髮墜  
所履如深淵如飄海失針天水空  
茫然已如蠅觸  
窓觸觸行復旋子入王舍城  
余津問何先綸竿願  
相投往釣船子船

宿集生睡渡閣

集生法諱道裕

就宿裕公潭潭莫適爲主水恬魚遞鳴林定月閒  
吐露欄藥氣集風閣螢光靚靜者夫如何兀然一  
無取隨拈雨次花笑錦燈前塵山鬼避軍持諸天  
爭法乳聽中蓮漏微擊際竹聲苦彌天何可尋斯  
人庶幾古

采石遲曹元甫

雲破青山曲斯知煙駕來薄遊動躔次長嘯起江  
臺仕已垂門柳寒溫觸手杯飄零吾已預白也倘  
無猜

同實甫衡之兄九華南陵道中作

客路悠悠雁影連  
歸心同指石門煙  
江南地濕山多雨  
月令秋升露領禪  
泉瀨色憐春穀碧  
羣峰雲讓九華鮮  
郵亭夜更親杯酒  
短燭孤花亦自妍

送劉徑石北上

大風捲秋色  
日夕五原來  
月滿虜騎突  
沙寒蕃馬哀  
丈夫輕出塞  
時事急遶才  
此去飛狐北  
期君勒石廻

其二

擊汰送君行秋雲江上晴芙蓉嬌劍色鼓吹襟鶯  
聲杖策恢遼海廻鋌掃北平指麾煩白羽莫仗漢  
公卿

秋雨送區啓圖陳路若遊廬山

響雪聽秋瀑尋蓮過月谿匡君好相待煙客復同  
携江雨雁低度山寒須晝啼如何此時別葭菼自  
萋萋

送任憲副士彥奉太夫人赴濟南任

青楓江上散秋清千騎看君將母行岱嶽雲霞長

作雨魯城絃頌易爲聲釣鰲好展經綸手拔薤無  
矜骯髒名更說諸侯多負弩板輿隨地各逢迎

石巢菴月下全瓌山甫夜話

禪室對秋樹別君驚隔年風煙謝雙鬢燈火共諸  
天閣冷通山翠琴清稱月泉茲宵聽靈籟彌覺石  
林偏

其二

鴈堂秋月白薜影晚全依山夜笑言響人閒飲啄  
微磬從香際發螢向露中飛塵世浮雲理知君洪

詠懷堂詩

外集

乙部  
七

是非

答方駕部潛夫書訊

大龍山色好小隱各能分衡宇對羣岫卷舒同一  
雲秋燈村杵報蘿月夜絃聞所幸南浮畔非熊只  
夢君

南浮潛夫別墅與余鳩嶺甚近

其二

昭世無硜節孤生易歲寒竹煙通鳥路花水媚漁  
竿首着天山火鯨鯢瘴海瀾野情都不繫聞爾卽  
登壇

李潛山庚白以詩見問用韵賦謝

踈狂禮法久相仇，農圃如今尙自繇。  
自繇鑿牖薄能通，野月濯纓時復耐。  
寒流掾曹忝竊徵，三語居士寧慚號。  
四休天柱近傳仙，令尹吟來笙鶴破窮秋。

寄訊瑩公寓錫蓮花菴兼期入城爲諸學人

說法

聞君投錫地，坐卧繞香雲。  
屢日鳥聲斷，一秋蓮露芬。  
迎溪安藥臼，斫漆註靈文。  
雁落當峰首，猿啼達夜分。  
諸天陳飲饌，流水印聲聞。  
筌象何嫌滯，津梁



朱厭勤覺花無吝彩。法乳有殘醺。余亦安心者。還來白社羣。

秋杪吳幼玉劉長秀謝莫京招集水雲蘭若

得孤字

難負萸房節。言尋蓮社娛。閒情眷蘿薜。野酌就江湖。秋暖蝶仍戲。沙寬鴈詎孤。蕭晨資勝賞。歸詠孰能無。

送吳梅墩倅忠州

巴渝向天際。寒浦袂難分。帆影破江雪。琴心彈峽

雲家聲能勿泮戶頌定相聞夢裏青城嶠因君就  
鶴羣

其二

離筵期盡醉劍外滿風霜禹廟江聲古琴臺賦艸  
荒蠻箋資點筆權布恥爲裳從此賓人舞婆娑爲  
爾長

其三

刀州分政地花接錦官城井絡星相值卽筒酒任  
傾棧煙開鳥路閣夜響絃聲莫使邾先達徒專化

詠懷堂詩

九

蜀名

文翁千里人

其四

萬里峨眉月鳴琴對較親  
還飛玉壺色來照竹林  
人酒嘆樂巴雨花啼謝豹  
春雙魚君但寄江畔久  
垂綸

杜退思夜集退思將之溧陽廣文任

故人難可接言笑肯令稀  
小雨薄滋竹寒燈淡滿  
扉林閒禽夢貼江煖雁聲  
微春帳紗應展余思更  
爾歸

別退思

舷月盈盈憶和簫如今風雨對寒醪春江桃葉嬌  
迎艣夜閣藜煙煖護毫長蕩湖雲扶腕起三茆峰  
雪鬪眉高鄭虔豈復悲寥落送爾翻令意興豪

和

簫子寓黃詩稿爲退思所題

其二

蜀國機絲已剪霞新詩又賦白門鴉淡杯夜遞匏  
樽酒小圃春移杜曲花太乙與燈窺脉望門生分  
隊揖侯芭平津不少嚶鳴侶肯使扶風老絳紗

退

思曾分較蜀關

全張鳴玉方大方吳庸之宗白前之弟酌共

得金字

閒園雨後竹煙濛。朋好同時坐滿林。月印霜池開  
鶴夢。語參春氣圻蘭心。篋中尚有匡衡疏。橐底曾  
何陸賈金。孤嘯欲騰還自咽。蕭蕭羣木已商飮。

村居宗白自江上來對雪

禪心融萬象。虛谷自相尋。指月嚼寒水。身雲敷定  
林。巖香花雨重。雪響錫飛澆。隨撥諸天食。塔前施

凍禽

其二

江甸別霜鐘江雲復幾重  
聲聞入林雪苦秀等崖  
松鳴磬下巢鳥燃燈窺鉢  
龍還持印壁意遙印寶  
香峰

寶香大龍山峰名

山閣同宗白看雪感舊

寶香峰雪挂林端霽色遙  
飛艸閣寒隱几還同開  
士坐憑欄不異隔年看  
報更栖鳥仍啼竹竊法  
馴又傍壇飲啄共悲無  
定寓霜葵聊復耐盤飧

至日雪後長子叔携酒見過同衡之兄賦

雪淨陽迴葭管新携觴還共竹林人  
谷雲漸煖吹邊律山酒能香漉後巾  
無恙薜蘿閒歲月同源雞犬望音塵  
阿咸更預椒花頌南舍來分爛熳春

余自甲子春深耕鳩嶺一官再起七十日捧

檄歸矣流言蜚及里中文學耆舊走臺爲  
白三代倘存余飲羽如飴也詩以志感

孤臣下土麗重明肯信浮雲蔽日成  
綿蕞幸存周禮樂顧廚還謝漢公卿  
但無裘馬驕仁里豈有詩

書副旦評、攬得衆芳勝、內美巫咸堪與托平生。

其二

艸木方依 帝日長中山、篋亦到柴桑、瀕年出處  
隣農記是處、詩篇野衲藏、任有流言同巷伯、辛多  
耆舊似襄陽、高天視聽須公等、燕地何煩六月霜、  
汪君酬光含萬長子叔集集園得髯字

夏木秀庭色、朋樽藉此淹、移燈棋肯恕、聽雨酒難  
廉笑岸燈前、憤吟搜斷後、髯高譚與幽意、是會侈  
能兼



江上全豹叔前之送王爾翼北上

蘆中煙火久能分。旋采芳蘿一送君。篋艸高携天  
柱雪。杯香閒醉石門雲。江晴鳧影摩空起。柳複鶯  
啼繞岸聞。別後秋坪明月滿。應從池水辨星文。

夏夜集殷脣原光含萬篁裏得開字

野徑隱深竹。同人不厭來。情閒能感月。雨後復臨  
苔。杯曙燈花脫林喧。鳥夢開。婆娑今夕意。幸不負  
蒿萊。

送顏祥止閩遊卽起居家 樵川公

長夏清陰滿竹林。扁舟送爾思何深。水花風起香  
盈棹。月樹猿啼夢人琴。長歛豈令彈客舍。枯棋還  
與賭山陰。公餘倘問胡奴狀。池艸爲言未陸沉。

宗白讀書應化菴寄憶

青峰隱隱但聞鐘。雲外孤筇未易逢。盡日經行空  
翠裏。一春調息雨聲中。林花欲曙爭鳴鳥。江氣初  
開報飲虹。逋客朝昏興如此。買山還擬就支公。

改築集園詩六章

貧居托意淡。考室就南林。戶不登凡鳥。栢寧後衆

禽孤琴弄江月嘉樹結秋陰但預先賢達沉冥未  
可尋

其二

柴門閉淡艸車馬更何喧雞學山翁祝蟬從弟子  
翻陰晴覘井氣山水媚琴言底事桃花拂勞勞問  
瀑源

其三

清音引玄對豈曰好樓居華月夜親夢高雲晴覆  
書遺身憐艸木生計佞樵漁但看羅門雀朝昏幸

不疎

其四

兀傲寄東墻陶然世慮忘  
鳩扶藜杖穩蝶戲絲衣  
香抱甕貪澆圃開帘習賣漿  
閒情課幽事白日爲  
余長

其五

閒看少微星秋清映艸亭  
持螯資獨拍相雀展遺  
經竹翠沾巾履桐陰擾戶庭  
此時長嘯動山月若  
爲聽

詠懷堂詩

外集

乙部

十四

其六

高情無刺促小閣領清芬  
月湧千燈墮霞敷十賚  
文塢澗花失曙林迥葉留  
穠不識羊求侶誰來就  
白雲

余谷王貽詩見訊兼肴藤杖之惠期以登高  
入城依韵報之

憑栢凡鳥題誰至惟肴孤蟬咽露條叢桂薄能招  
小隱芳蘭焉敢副離騷鵲中升月明煙樹鵬下垂  
雲映雪濤此際海門秋已壯杖藜何必待登高

壽游郡伯羽儀

秋清斗畔現長庚燦燦偏從郡閣明豈但文翁能  
剖竹更聞仙吏善吹笙江干墜雨覘龍見天柱臯  
霜引鶴鳴九鯉知君鄉夢遶

羽儀蒲田人

功成重踐赤

松盟

其二

水衡無藝急追呼正是新分皖國符燕雀依然聞  
賀厦牛羊溪藉與求芻征輸恥問桑弘策條上還  
爲鄭俠圖只此謳歌元勿替海籌况復值懸弧

杜于皇自臨臯省其尊人于溧陽儒署見訪

賦贈

瀨水白雲稠輕操負米舟因携雪堂月爲破竹林  
幽星彩眉分現寒香詠與收蟠胸渾鳥篆詩禮復  
何仇

其二

預爾趨庭日文梁益楚材侯芭重問字驥子共銜  
杯寒水鴨還戲高臺鳳未迴遙知吟眺際燦燦筆  
花開

至後吳栗仲過訪感懷卽東曹元甫同年

舟居非水尚堪乘蠶室今將竝寢興謝謫當杯容  
皓月虞翻獻吊擬青蠅筇聲賴響空林雪線日初  
臨大壑水樽酒論餘因共笑橐餽海內幾人曾

雪後戴德充過訪惠以製畫并訂黃山遊

安道翻爲乘興遊竹林殘雪似孤舟手携尺素展  
靈嶽卧聽高壑懸春流葉煖啼煙無倦鳥江晴媚  
水香恬鷗與君且醉芳樽酒黃海雲濤取次酬

謝耳伯門人陳不盈以詩見投止飲



謝家玉樹未凋傷之子康成預古狂  
閩嶠夜狼同抱月吳洲春雁正啼霜  
孤鐘寄夢惟蕭寺細雨銜杯向草堂  
更剪青燈映華句座中先發蕙蘭香

趙侍御二瞻過訪倣園畱飲

連城寶氣燭江東嶠鹿汀鷗望澤同  
篋滿茂陵園上艸轡澄司隸漢家驄  
短墻古柳颺危碧水檻孤花綴小紅  
還借莫愁湖畔月清光依舊照詩筒

用韻答陳潛山碟菴見贈

天杜春雲暎道南辛盤生菜與同甘  
藜分太乙煙

相織花割河陽露並酣雞肋都忘三見已鷗羣未  
覺七難堪剪燈細品千秋雪稷下應無此夕譚

其二

鳳雀封中戾羽勤山書小篆紀神君五絲蜀錦縑  
華製一擲胡琴領艷聞晴嶠白從危雪吐春杯碧  
爲小香分吟餘仙影無煙火碎剪巫山寸寸雲

壽游覺之六十

招隱亦奚事栖真君自偏商坪芝莢紫蜀閣艸穢  
玄春永禽魚曆靈吹几杖煙娑娑閱蟠木未足喻

長年

林六長自嶺南來見訪并訂往浮渡看石蓮  
芳艸候將歇君來情更飛聞猿下廬嶽警雀過山  
扉篋抱羅浮雪香綿薜荔衣石蓮頻有約觴咏詎  
令違

答賈方伯孔瀾

涕笑何途是時清事逾危民生那可道真宰甚難  
窺松閣無凡籟煙江有舊絲余心誠匪石持以慰  
相思

寄懷葉震隱同年分憲楚中

心魂碧何際艸色滿瀟湘質古離憂合懷人夢路  
長濃花蒸鳥戶暄水飲魚梁何日尋奇服歌中管  
楚狂

其二

朱薨將粉堞無恙庾公樓古意寓明月清吟謝蹇  
修登魚青玉案次鳥白蘋洲安得騎黃鶴扳煙縱  
遠遊

齊价人以祐聖觀賦詩相正依韵賦答

結制玄都觀能無羽節逢步櫺動江色複道蘊天  
風化杖龍騰澤調笙雀語空艸玄衣更白此意可  
參同

喜李煙客嶺南來見訪

微尚君應省門蒿色已睽禽魚能竊傲艸木共臻  
愚鶴上追煙駕鯤間弄海珠五年乖飲啄夢路復  
何殊

方聖羽四十初度

江流何浩蕩朝夕展煙雲結室蛟臺上讀書遙羨

君風林寒海月石瀨飲霞文九子多來鶴瑤笙試  
可聞

其二

昭世無迷寶兼君仕已疆聚螢光定滿牧豕徑從  
荒秋水資風擊天香挾露翔上林聞獻賦吾亦發  
吾狂

送諸門人應試南中

揣摩君各就知不媿功名蛟雨馮呵至鵬風鼓翻  
輕詩書炊汲具忠孝婉變情持此酬當世余何負

耦耕

其二

孝陵秋樹裏曾拜鼎湖弓自隔漁樵夢欣君蹈舞  
同獵聲雲夢接花路曲江通諷諫還栽賦長楊正  
射熊

送何不毀還闕

閩嶠秋雲裏猿聲無盡時君歸芳艸後復接桂香  
期屢外天風縱樽間海月危高吟動河漢於此寄  
相思

寄懷謫居友人

淮水浩以深維魚則有魴旣殖秋菊英載颺叢桂  
芳君子賦離居茲焉三載長玄亭維寂寞頭責何  
悲涼天道匪難明其微亦孔彰直北盛風煙擊鼓  
何鏜鏜蒼葭蔽通衢駿逝臺且荒雲龍旣有遙野  
霍安得翔所以明王夢旦夕鬱其光釋以衣繡  
懼授以蘭蕙根要識天地仁雷雨非不臧人生可  
憐蟲少樂多憂傷無地無遺薇安用懷梓桑王孫  
有遺緡美之秋水香暇則治玄言邃古開迷茫院



口去長淮葭莢天各方相悅在縞綦相贈無明璫  
秋近河氣白素琴爲君張清商颯然來襟袖感有  
霜萬象澄遠心海月懸青蒼

吳子遠遊姑蘇旋金陵應試書至賦答

君行閱吳會耳目胥清娛延賞峰能秀臻情月詎  
孤狄香紛映澹綺意到樵蘇古樂知誰在重爲問  
訊無

其二

尚館臨蟲夕閒琴爲爾開夢乘梁月往書度橘煙

來鹿野賓笙展鷹風獵騎催秋聲動雲夢賦獻復  
何猜

泊荻港東方都閩龍望

詞賦絲來重兩都時危笑擲出關縑燕臺已市干  
金骨虎子能彎五石弧月幕吹笳臨畫戟秋舫擊  
汰動寒菰東來烽火騰新警片石祁連未遣孤

遲侍御之來招飲賦謝

江甸長敦石戶耕鴟夷閒問五湖行澄清藉有神  
君斧歌咏爭傳孺子纓月皎山精聞夜泣風暄煙

鳥弄春聲杖藜乘暇趨公府  
咨度彌淡杼軸情

納姬金陵客久有懷諸兄弟

壺觴已謝永和期  
林竹清陰入夢思  
幽操徵蘭出誰谷  
晴欄鬪鴨就何池  
江春花散霏微雪  
岸雨楊垂宛轉絲  
此際支願看岫色  
遙青真復似修眉

壽陶擊玉偕配六十

家世華陽陶隱居  
鹿門不羨曳霞裾  
東方曼倩狂遺肉  
南嶽夫人笑授書  
牛渚映簾琴詎默  
青山延展酒難疎  
佳兒儼似方逾勝  
掇得天香漾板輿

登蛾眉亭

秋磯殊靜立風水任乖違  
頻視見盤鷺狂歌酌落  
暉雲松固無恙英爽誓來歸  
夜聽空江響萃鯨似  
欲飛

鑾江舟中喜劉爾敬慧玉叔姪至

懷情入秋夕葭莢路何深  
飲月魚龍氣栖煙鴻雁  
心抱珠輝夜壑採藥待春岑  
作達吾能預浮家卽  
竹林

其二

水霧寒逾盛三山望若浮孤帆亂秋葉微尚質江  
鷗中翠松烟鶯琴香橘露稠餘生追荷鍾搖落定  
無愁

舟中初度口占

鷗夷聊謝市朝塵笠雨竿煙與夢親桂樹久遵招  
隱地茱萸長媚攬揆辰昂秋野鶴盤浮嶼凌月江  
妃步廣津更有紫衣欣薦蘧孤源那復憶秦民

真州晤馬侍御千里感賦

立仗同聽禁苑鐘別來音旨甚疎慵友聲黃鳥時

鳴葉無恙青山未限筇秋嶠石蓮鄉夢遠江籬露  
菊晚香濃與君但醉樽中酒漠漠遙看天外鴻

祝勉之孫益仲見訪止飲小園

江雲靄靄客何來蓬戶荆扉爲爾開白石幾人聞  
叩角青山到眼且啣杯詩書詎忍微言絕農圃難  
令遁思廻世事祇今堪共笑濠魚林雀倘無猜

壽蔣二陵六十

江清遙見少微星古徑春風拂艸亭種杏已成林  
畫綺殮芝恒足髮何青弟兄茅氏丹臺隸翁媪龐

家白業靈市罷壺閒貪數息泥丸終夕諷黃庭

飲方良一文學閣上

櫻花橘刺接牆東一徑羊求更許通  
淡巷書聲紅燭下小樓山色翠微中  
開簾往往遲歸燕飲研垂垂見渴虹  
桂子銀蟾秋欲白與君高詠向寒空

栖霞月夜示恒覺

敬此寒山月偏輝祇樹林已知塵夢格  
彌使道心深曙壑流香水昭煙響聖禽  
還思峰盡處天樂繞

光音

出攝山

家寄青山曲朝昏禮嶽雲寧知此巖壑終古蓄靈  
芬珍艸霜難弱者松翠莫分誓當花吐候重就鹿  
王羣

賀徐侍御夢麟公子捷黔闡

臺栢森森帶古霜桂叢近復發天香檄傳筇燹千  
軍廢路入淮淝一騎長豈第石麟聞抱送更瞻金  
馬待廻翔少年同舍狂如昨大斗爲君乞酒漿

女史顧眉生善畫與曹子玉甚歡賦贈

詠懷堂詩

外集

乙部

二十四



蛾眉亦與虎頭癡  
蘭蕙心情秋水姿  
欲倩風流京兆筆  
爲圖花睡未醒時

久客還山堂

不到茅齋久  
淡憐湖海蹤  
石霞無淺色  
吮藥香豐容  
對酒山仍冶  
延琴月更濃  
所欣初服在  
能勿滓松風

答張澹士見訪

艸色春閒門斯焉  
微尚存端居治奇  
服嘉遜托山樽徑  
闢朝霞氣梁延古  
月痕知君玄已預  
剝啄更

何言

其二

兀傲琴書在青山道詎孤辟辭三語久吟就四愁  
無楚鳳衰應起湘靈怨亦徂農臣看整暇開碗待  
蘼蕪

送陳葵若入吳訪周司理五溪

客路入菰蔣秋花繞夢香故人官似鶴幸舍食爲  
魴海鷺雲霞色山招橘柚霜伯鸞無恙否煩一酌  
寒荒

書訊姚侍御心甫

罪言何蹇蹇共簪補天心一問豺當道寧慙鶴在  
陰孤情華月曙幽夢晚香深偶影秋籬下因君發  
楚吟

秋雨同方聖羽夜酌兼閱其含山館中近撰  
秋雨鬱暄申朋來更此晨永言遵古處遺跡長農  
臣載露蒹葭厚開香橘柚新滄浪密何在不敢漫  
垂綸

其二

禮樂憶君東山泉發幾蒙高文矜曙色清思壓松  
風偶影秋燈下淡談夜雨中閒琴襟涼吹于此意  
無窮

計無否理石兼閱其詩

無否東南秀其人卽幽石一起江山寤獨荆煙霞  
格縮地自羸壺移情就寒碧精衛服魔呼祖龍遜  
鞭策有時理清咏秋蘭吐芳澤靜意瑩心神逸響  
越疇昔露坐蟲聲間與君共閒夕弄琴復銜觴悠  
然林月白

寄懷王東鄉石雲

天柱有仙雲飛作南州雨美錦卽孫襄英聲若韶  
護能令野雉馴不遺衆徂怒陽鱗跡斯歛桃李花  
延樹琴月一何清甌塵豈辭屢大國已烹鮮明廷  
會充鷺秋色淨江天霞端靚孤鶯蒹葭弄遠風芙  
蓉被華露颺思及中央宛與伊人遇采蘭折疏麻  
貽之見情愫

山居憶豹叔

山籬閒採菊寤寐切夫君藥畹遶華露松窗哦靜

雲慵陳高士榻恥應少微文自向圖書藪悠然爲  
接芬

送汪用章還楚

旅思何寥落寒山江上開抱琴難得意掛席且歸  
來綺季芝堪摘岑牟服好裁無情湘水綠莫擲楚  
臣哀

答吳子遠見訪

屏居何所事疏益胥同人浚谷如開曙蘭言已載  
春定文冰雪在謀野鼓鐘陳天祿多遺帙藜煙待

南樓學記  
二十七  
爾新

其二

閒心事遐矚梁甫奈愁何  
賴有羣賢哲能操利斧  
柯靈淵蓄龍性清夜縱牛歌  
燦燦瞻珠樹欣余備  
雪夜山酌用損之韵

山雪延未已田野饒所侵  
相共展寒杯素月亦翔  
林叢以霜露光靜照幽蘭襟  
子和余復歌清響如  
秋琴何必援枯桐彈之寫我心

歲暮東謝明府修吉

歲火祠燈戶戶譁江鄉節物亦繁嘉從知邑胥鳴  
琴宰遂使村無覆釜家高閣梅英颺樹色深宵栢  
液引杯霞印牀琴匣春風裏手濯清泉灌舊花

送周子久還冶父

晚晚何堪送子行荒原殘雪照孤征還家綵勝應  
題燕隔歲提壺好聽鶯冶父春山關涕笑清齋秋  
水謝眉情勞歌自哂終成誤長嘯應爲楚鳳聲

癸酉元日



高臥蘧蘧物外身。巖居不問歲符新。梵鐘遙報青  
門曙。竹里欣違紫陌塵。梅柳定爲春酒放。雨暘好  
向老農勻。山雲旦旦多佳氣。絢素何煩太史陳。

楊守戎于儀失職。寓蕪湖。以書相訊。感舊賦  
寄

去年此夕泊江村。尚憶林香入酒樽。亭艸已開吟  
思秀。檣燈還避劍花繁。芙蓉久歇空洲采。蕙苳重  
銜瘴海寬。書至愁隨春水闊。蕭條旅盍念王孫。

淮海舟行畱歌兒于湖陰奏伎

江南春欲半汝往預鶯歌不共揚州夢其如芳艸  
何卷衣箏語細垂手舞風和莫整優旃調愁思動  
綺羅

平等菴同闇生明府周子久宗白夜話

水聲連笑語清響詎能分遂覺指標月不知身卽  
雲縣花天際雨林竹定中芬底事歸飛雀勞歌使  
世聞

龔直指瞻鳳過訪倣園畱飲

月旦曾聞艷汝陽至今遺愛滿耕桑衣冠共識桐

鄉壘劍履高飛栢府霜漢檻不新存骨鯁堯塔有  
影避神羊絲來治行推華胄渤海遙承姓字香

其二

榆塞星飛鏤騎塵漁陽烽火燭通津孤城掘伐寧  
遺鼠高閣嵯峨好畫麟期會萬方還禹貢賢勞率  
士冠王臣簡書正及桃花水瓠子無聞有負薪

訊超乘上人自江南移錫寶善菴禁足

禪蹤復何繫杯渡隔江山座下土花秀燈前秋樹  
閒觀心空水際施法百蟲間曙盡高峰月知君一

破顏

答蜀僧談佶以詩見投

炎齋茗粥特生寒似有千秋雪未殘  
玉戲宛從光相吐朱門竟作薜蘿看  
山猿媚月爭啼嘯江鶴騎霜弄羽翰  
何異青城與巫峽禪心着處倘能安

壽王方伯梅和

銅雀秋來禾黍鳴江鄉歌咏滿西成  
况逢嵩嶽生申甫並衍河汾到鎬京  
幕近天都仙樂下家隣碣石海雲平  
功高倘及收雷雨黃髮從容問穀城

其二

藜杖溪蟠化日煙華封祝罷饗鈞天吹笙月嶺人  
如鶴擁楫春江曲自僊九子曙霞高建隼三茅香  
雨靜調絃醪釀碧更同秋浦綵服看觴阿母前

送瞿遊擊劔灘歸楚

楚州橘柚醉晴煙將子分携欲黯然身隱何嫌逢  
醉尉功存誰與念飛鳶征塵不挂岑牟服釣艇何  
如下瀨船別後君山望秋色洞庭碧月好娟娟

宴江中翰士衡園亭

大隱辭金馬多君撰薜蘿聖遊賓漠野倒景燭滄  
波慮澹煙雲靜居閒涕笑和鸞情復何極高詠出  
層阿

其二

桃源竟何處將以入青雲衆雨傳花氣輕霞射水  
文巖深虹彩駐淀靜芷香紛詎遣漁舸至靈奇使  
世聞

其三

神工開絕島哲匠理清音一起青山寤彌生隱者

心墨池延鵲浴風篠洩須唵幽意憑誰取看余鳴  
素琴

其四

縮地美東南壺天事盍簪水燈行竊月魚沫或蒸  
嵐自冠通人旨傭教尚子饋祗應佩芳艸容與向  
江潭

阻風清谿慰仲立公穆

心賞寄中洲誰云旅泊愁羣峰延浩翠一氣難  
漚奏月水蟲語開香橘樹秋朋樽歡此際鮭菜亦

何求

虞學憲來初築園甚適招余泊元甫往遊先  
之詩

離居晚歲悵瑤華避地從君水一涯  
質研手疏蘭蕙晚登高人問杜鵑花  
清田秋煖香通雁月樹宵沉夢繞鴉  
我自朝歌結知己臨風烏帽與欹斜

次采石赴元甫東遊之約先詩爲趣

水國菰蒲候扁舟事轉蓬人煙湖艸外  
山翠夕陽中鱸膾思疑淺鴟夷汎易窮  
好將遠遊意揮手謝

詠懷堂詩

外集

乙部

三十二



飄風

京口江行

如此山川靜揚舲客思閒天開葭菼路秋貼雁鴻  
間水霧孤帆飲煙霜獨鳥扳何從感搖落蕭瑟賦  
江關

泊丹陽先東來初學憲

秋燈恬客思夢路入清都是地仙雲滙兼君高尚  
殊寒塘魚自媵宿莽雁相娛持此招黃綺青山勝  
所逋

其二

靜會成連旨孤琴詎浪尋閒猿懷嶠切夕鳥就煙  
淡嬾屐山當廡延樽月在林投君無異物狂嘯與  
清吟

題虞來初豫園八首

秋水問扁舟同心耐遠遊寒裳臨汝社頓響望椒  
丘露被芙蓉坂天開雁鶩洲將君敦晚節雞黍并  
非謀

其二

詠懷堂詩

外集

乙部

三十三

幽尋嘉遯地應接倍山陰  
浪豁海僮語岑孤木客  
鑿居然萬里勢其獲五湖心  
寢食仙源裏栖栖笑  
尚禽

其三

衆香通井竈虛碧漾池軒  
聊徙庭中藥如窮雲外  
村魚風吹荻浦鵲月挂松門  
此際悠然意誰能  
六樽

其四

達人事高尚安有不忘機  
閒意覘僮僕空香飲戶

扉鱸靈能應釣鶴慣且啣衣卽此肆愉悅何煩問  
是非

其五

層楹頰脩木履下湧仙雲海日當窗曙天風入夢  
聞豈徒凌梓澤詎屑禮茆君秋駕馮無極元龍未  
敢羣

其六

山亭通石瀨涕笑入清虛香閣流晨梵花潭喧夜  
漁風鳴午橋竹雲逗西山書持此睨千古巢由謝

不如

其七

何處逢搖落秋林清且嘉  
載花移小艇盤馬藉晴  
沙撥煖閒魚鬪煙豐夕鳥譁  
飲君霞上緒萍梗失天涯

其八

花源娛信宿塵海幾迴平  
梁月窺移榻峰霞接耜  
耕鳴琴幽篠動龠椀石泉清  
再覲防迷誤因畱爛  
斧名

贈顧生 生能度曲

秋林求友尚聞鶯  
宛宛蘇門起嘯聲  
吹夢蝶邦傳浩笑  
啼花蟲戶理幽鳴  
高城落葉微風度  
孤嶼寒潮薄暮生  
此際負薪誰復耐  
煩君一寫楚臣情

雨中赴吳充符招二首  
充符坐中出黃子久  
長江圖一卷蓋爲倪  
元鎮十年換就古人

持誼居心不苟乃爾  
充符珍此良有深  
旅情誰與制寒雨復  
孤舟賴肴高丘集能  
開野泊愁蘿琴喧古  
雪花笈歛滄洲持此  
驕禽向吾生已

聖遊

其二

散帙煙嵐動靈槎近可尋  
洪流千里勢舊雨十年  
心侶有猿啼峽如看月印林  
衆山羣薦響不藉少  
文琴

羅繡銘張元秩從采石汎舟真州相訪遂集

寤園小酌

蹇采滯荒洲朋來暄薄遊揚舲追李郭借徑禮羊  
求碧飲寒潮埠霞舒絕嶼樓靈氛識何在縹馬問

椒丘

其二

岫歛峨眉月波開牛渚光荷纒心自苦蘭楫興何  
長野色碧寒楚江峰翠夕陽山杯噓衆媯一壓步  
兵狂

淮海舟行感所見

蕭晨浮澤國極目感神魂湖白幾羣鳥煙青何處  
村殘籬通水霧高樹挂潮痕民事嗟勞止離憂未

敢論



其二

魚龍連野哭烽火滿車書飲羽亦何補乘桴安所  
如勞歌傳艸木遺子入樵漁天運迨陰雨誰言變  
理疎

抵高郵徐水部準明以滄水出卽放舟至淮  
上

一寒願月氣衆葉酌風聲况急巖城柵難爲蘇泊  
清星通筇筓路霜刻雁鴻程且問淮陰釣清流共

客真州范墾卿太蒙枉存賦謝

風義夙相親班荆慰此晨賓雲多逸駕媚澤有修  
綸寒雨飲袍色霜花凝旣塵廣陵遺散在聞罷各  
霑巾

其二

浮雲觀往事賢者每貞艱裾拾幾莖粟沉冥累月  
顏盟心共寒水問道指青山祇恐蒲車至先憂未  
可閒

答前之弟詩訊

久客通音旨家園亦當歸跡終慚浪梗夢詎隔山  
扉煙暝禽逾貼霜淡魚更肥遙知林下集應念芟  
荷衣

廣陵納姬自賦催妝四首

瓊花淡處鬱蟠根雪暈香附與笑痕凍雀飛飛還  
小却獨遮鶯語到黃昏

其二

鶴氅逍遙舊待臣口脂面藥澤如新茂陵近艸封  
禪罷小贈救前點絳人

其三

黃姑河畔理星車  
詎說春絲縮若耶  
絕勝舊時門巷在  
香風小立博陵花

其四

小洞流雲香滿山  
持筐採藥憺忘還  
歌來桃葉嬌如許  
更在茱萸第幾灣

歲晏喜潘木公錢無可渡江相訪

孤舟歛寒雨  
客思與誰裁  
賴有高朋屐  
能衝夕鳥來  
杯隣將泛栢  
語坼小香梅  
試共搴洲莽  
昏江汐

詠懷堂詩

夕身

二十八

未猜

其二

離合關吾道何矜雞黍名青山諳古處芳艸質平生  
飲月開魚夢啼霜刷雁情靈修如不謝還與泛  
霓旌

朱中丞明京書訊賦謝

孤山勞極日冰雪路從荒旅雁求聲至停雲結夢  
長起居申野寤音旨泄巖芳共枕寒江沙離憂未  
忍忘

其二

時事乃如此東山卧詎安圍棋罷閒墅麾羽副高  
壇人競尊東袞天寧抑渭竿海陵星隱地早晚鶴

書蟠

寄李季重大叅分臬荆楚

季重濟南人  
曾守姑孰

隼旗楚塞矚高騫尚存青山載舊恩江渚靈光留  
水族墓田香雨飲芳蓀部連巫峽雲侵夢客憶平  
原酒滿尊是地從來瞻詞賦衆芳煩爲歛騷魂

其二

詠懷堂詩

外集

乙部

三十九

大國雄風曳海瀾詞場岌業領危冠聲名香遍封  
君橋寤寐幽通公子蘭秋水龍門望天上江村犢  
鼻掛林端何期撰罷登樓賦就爾狂歌行路難

王梅和使君督運北行便還滄洲遙賦帆園  
之勝兼以志別

名園卜築瞰澄瀛葯畹芝房次第成徑脊篔簹留  
孺處棹聞桃葉和歌聲岫從碣石雲長戲樓對津  
門月細生鶴氅翛然自冰雪滄浪寧藉濯華纓

其二

春雲繞接離閒情遙與碧蘿期爲監天府牙  
粟斲賭山陰艸墅棋竹里長宜明月照蘭亭未  
和私懸知斗酒陶然後定憶江南似習池

謝羅穉白假寓秦淮納姬

桃葉春新碧未驕青溪溪畔繞通潮  
賴分珠樹栖雙燕直上瓊臺引洞簫  
無氣可容關尹卜有期還勝竹林招  
石頭亦有羅舍宅楚水江魚味不遙

雨中集黃若木殿徵卿潘木公楊龍友水閣  
小飲



小雨閣春暄朋來理晤言閒情貪浴鵲高論感潛  
鯤陸海津何在文園艸幸存華余睽龍德斗石敢  
留髡

其二

謀野夫何獲琴樽領一閒申談衍華燭托寤與青  
山楚鳳收衰德湘漁濯悴顏糟丘藉徒侶盡日昏  
躋攀

俞駕部仲茅招集爰園并讀其園解有賦  
罪言思往事問夜耿淡情折檻動明 主題門勞

友生濯纓春水漲照酒夕花明更讀名園解千巖  
領笑聲

其二

君子誠龍德其居宛兔園煙嵐入規畫樹石競森  
尊花密攢禽語波寬漏瀑源翻噴沂水曲童冠詠  
歌繁

答閔士行韓姬命林若撫六長見訪

負薪行旦旦慷慨孰爲歌流目春無際羈人愁奈  
何芳洲煙眷艸佳夕月開蘿衆媵情無極華子睇

笑和

其二

冶城占寶氣，數子亂春星。  
高飲敵溪雨，羣銓香艸亭。  
室長延夜白，夢亦繞山青。  
奇服咸能理，應來叩獨醒。

謝郭侍御丹葵招飲

家聲有道擅冲融，美錦姑溪製久工。  
子夜柏臺鳴露鶴，春流桃葉飲花驄。  
青雲高翮瞻逾近，白石勞歌咏未窮。  
旦夕江鄉資攬轡，舊棠重爲轉清風。

壽彭天錫配史孺人四十

仙壇琪樹未荒蕪。雞犬花源近可呼。天玉綵雲元  
並史。彭郎霞嶼更連姑。五噫歌擬從鴻隱。三徙居  
能課鳳雛。豈第斯皇誇藿服。紫泥還與濯侏儒。

上巳趙二瞻郭丹葵二侍御招飲莫愁湖

春湖蕙芷氣初勻。撰酌何期共隱淪。栢府華簪雲  
外盍。蘭亭逸爵水邊親。霞紋高飲連城壁。花氣半  
香折角巾。纓上更無塵可濯。歸途煙月導清真。

贈崔都閩元愷

江柳細翻風春生白羽中星文花讓劍玉靶月臨  
弓小吏繻纜棄名王帳擬空平生酬國意今日  
藉君雄

其二

憶與論奇日呶唔陋一經下帷藜火白飲羽石花  
青繡虎無淹步霜鵬有健翎爲君懸綵筆高勒柱  
問銘

三月十五夜客秦淮聽女史李澹生度曲並  
奏絲竹諸技六代風流空餘煙艸莫愁桃

葉賴此香魂當不寂寞也遂作詩

月亦如期會清輝  
逗此宵香聲啼玉鳳  
花頰印紅潮旣擘  
阮咸阮還吹簫史  
簫君魂是水雲雨  
不堪招

雨中宿祠山道院嚴羽士房

鶴嶠星壇路未荒  
爲叅睡譜到芝房  
縹瓷靜夜醉花露  
雨後滿庭春艸香

雨泊姑孰同徵卿  
搏仲益仲蕭應舟中  
小酌春溪飲繁雨  
萬象森一碧孤舟  
若在夢搖搖乘廣

夕眺聽亦何閒汎覽謝疇昔花暝鷗路荒藻遂魚  
情適羣潦悅深江悠香寫平澤率此太古心復共  
遠遊客所取洵杳然琴樽永茲夕

謝王方伯梅和招飲芝墩

幕府梧寒月氣森杖藜野服一招尋燈前紅燭俞  
兒舞水曲青菰孺子吟笳笳路開魚在藻蒹葭煙  
盡鵲遵林醉歸忘却栖帆地惟覺橙香橘露淡

壽密觀上人六十

般若絲來陋大還光音聊爾現人間禪心白淨蓮

花露僧臘青綿壽者山自結妙鬢長蔭體偶拈簾  
蔔一開顏與師巖下栽松子直待龍鱗共掩關

歲暮同衷朴過訪日卿山甫村居見畱聞時

事奇感

雪霽寒山山氣悠晴林鳥語亦堪求風霜共牧平  
津豕燈火重縫季子裘羗管淒其吹夜月楚香零  
落滿滄洲與君盡醉粉榆社梁甫岩堯未敢愁

歲盡得袁公寥書賦答

山扉團野雪偃卧憶君同艸木托微尚琴樽敦素



風谷暄春尚在花發夢難空試騁晴川目江雲不  
可窮

其二

垂手釣霜魚加餐報起居秋香彭澤酒花媚武陵  
漁種藥畦無恙趨林鳥未疎吾生太憔悴君尚近  
何如

禊日赴曹元甫同年九子江之期

春風吹雨滿平蕪此際琴樽興未孤大澤各安黃  
鵠隱浮家輕與白鷗俱文章海內爭相避松菊年

來草也無名嶽幾時承十賚誓隨靈壽慶彫胡

其二

永和逸興幾曾關芳月同人更浴蘭星駕空占賢  
者聚雪航不耐子猷寒薄移煙艇江山麗小酌滄  
洲禮數寬莫向靈均竊詞賦杯前蘄杜已漫漫

其三

千載心期間謫仙春江花月照青蓮憐余久挂岑  
牟服就爾遙牽孺子船綰帶豈令愆蕙候求聲更  
喜在鶯先西園賓客稱嘉會征葢誰凌九子煙

其四

大陸風波未敢論  
鴟夷且盡手中樽  
鶯花豈爲閒情繫  
雞黍將無古道存  
春泥詞人歡命褻  
星橋貴邸莽留髡  
廿年裘馬同回首  
寒浦蕭蕭落雁痕

止宿瑕仲新築山館贈諸令嗣

馨地榻相分  
芝蘭果接薰  
縉心麟艸木  
寥目極星  
文下食人籠  
滿鳴旱子鶴  
聞仲容何尾  
器瞻爾人  
青雲

舟次別元甫

江柳正依依江帆又背飛煙深餘夢入艸綠與心  
微閣飲羣山氣林尊片月輝思君共蘿薜懷尚豈  
應違

江舟育懷吳明府闇生兼訂石巢之遊

江甸春淡艸不微片帆輕共柳花飛風塵滿地此  
何適絃誦于今知有歸琴月夜張池蛤靜署煙朝  
冷饌魚稀公餘清興懸難淺石塢先期啟竹扉

平等菴落成過訪宗白

遠公開社就何雲竹翠嵐光更不分林月靜標方

丈曙池蓮常報六時芬掌中撥食容禽繞座下敷  
花藉鹿羣笑我塵間畱滯相風泉還與別聲聞

大方讀書門山同前之弟過訪

何地托琴樽循雲卧石門御冬詣梵制展帙報親  
恩林定納泉響山寒識翠尊悠然雞黍意古處爲  
君存

張若仲久客閩至皖卽趣其還楚

南斗劍長留經年歸楚舟海霞情自曙巫雨夢還  
稠積句滿山葉還家如旅遊高堂倚門切負米莫

悠悠

其二

客心何所寓嵐翠與灘蘆  
繞石倉讀琴携竹罽  
鳴湖香菰米熱洲暗橘花榮  
此際南陔思知君倍  
吝生

周元修歸自汝上秦京寒水園過訪

寒水綠波柔君歸江上舟  
旅程記春艸高詠失鄉  
愁又作浮鷗計來尋野鶴  
儔因之理瑤瑟林月共  
悠悠

其二

剝啄恬門雀知余隱意安中廚傾美酒長日縱清  
觀琴補風榛寂燈開月樹殘竹齋茲夜枕爲爾夢  
逾寬

長門怨

螢心微可察幽視倍含情綃幕映如空瑤堦秋共  
生葉流砌苔響月上網塵明此際肝腸結誰能長  
嘆聲

雨後郊行東吳明府闡生

好雨酬農月川途亦洒然水平春別隱雲洗夏峰  
鮮動植情皆獲朝昏計更偏田歌聊自豫卽此政  
聲傳

雨夜同金任夫懶鶴清隱上人小集

江南餘杜芷歸我以平生雨夜遂深酌高齋彌古  
情菱傳孤雪味語亂百蟲聲何事將浮海閒琴自  
可鳴

劉胤平使楚還移酌俶園賦謝

巖曲枉朝英蓬中駟馬鳴玉堦移艸色宮樹與鶯



聲星石先槎至羹梅接幄成因君問蘿薜翻切野  
人情

其二

無可賦離憂閒園水樹幽林喧求友鳥池獻濯纓  
流月認琴軒吐涼憑酒幔收  
駭將仲長意寂寞謝  
巢絲

答宗白構平等菴見寄

結宇出桃源因辭雞犬喧雜雲多古翠司月昏閒  
猿珠繫嫌衣重蓮開笑漏繁看君持半偈晏息向

祇園

喜宗白入城修等社得羣字

空際想靈氛孤飛錫已聞  
礪香遺徑艸庭樹染峰  
雲月不分天曙蓮寧擇水  
芬煩師持等義還慰鹿  
麋羣

飲徐介白

春艸先疏夢江雲難限心  
如今高士榻展在阮家  
林震澤潮通壑寒山月吐  
岑中廚繕茗粥淡樹一  
開襟

初社喜闇生明府偶過得蘿字

勝侶結巖阿閒情領嘯歌山公會乘輿池上更鳴  
珂香翠酣林竹清真薦茗柯坐淡鳧欲舉畱賞駐  
煙蘿

茲園同社彥再集盛唐樓得山字呈 從祖

樵川公

茲文未墜竟何傳識在淵龍仞鳳間歸日求羊循  
徑戶昔時枚馬此河山林開麗景騰虹上檻繞洪  
流望海還爲報漢遊羣鳧從封成何賦著江關

西一上人自匡廬見訪茗集

小徑合蘿陰羊求亦費尋  
響山琴裏籟啼翠竹邊  
禽遂過孤峰客來叅深艸  
心如何古溪笑隨月入  
幽林

方坦菴過集園話舊感賦

繞徑野雲稠軒車爲破幽  
霞高孤鳥逝月至百蟲  
求巖戶空香罨宵燈靜語  
流飡君多古意雞黍詎  
堪留

其二

林竹領清狂因君理月觴語還參布被衣已禱宮  
香飲兩魚梁近開雲雀路長所欣情具騰出處各  
芬芳

謝喬大參鳴墀見訊

世事元如此浮名安可賢蘿庭無淺月竹塢有流  
煙露語蟲臨夕霜聲鶴在天思君正雲卧此興亦  
能偏

其二

冰壑春難閉雙魚欣遠存瑤華通寤寐節候謝涼

溫梁苑鳴秋竹繁臺起嘯魂幾時千里駕重與馨  
芳樽

溫直指澄虛不見枉以書代詠賦答

寒莎幽篠滿墻東短布岑牟築自工徑冷已無堪  
薤艸秋淡安骨不飛蓬澤分章貢誰能禦嶽動天  
都未敢雄自是清霜羣品肅故人合避使君驄

其二

初服綈遲卽主恩離居未敢賦招竟雲蛻尚隄  
飄風駕薜荔曾無舊雨喧鴈汊漁燈然夜浦龍山

詠懷堂詩

五十一

社鼓響秋村。樂郊卽墨真堪擬。孤躅煩君達。帝

關。于時有中吳閩生明府故及之。

訊大方藥閣兼訂山遊

秋閣晴馮江上峰。寒香淡淡集芙蓉。敝巢豈遽辭  
凡鳥。尺木誰堪擾應龍。山路煙青朝弄屐。石林露  
白夜。栖鐘與君共。肆雲中。駕雞犬。訾邪未許從。

王梅和方伯督運旋書訊賦謝

佶佶戎車洵水東。萬方飛輓佐膚公。漢家粟轉三  
天上。公袞歌騰九戩中。騎竹秋田喧士女。沛乘江

路導霓虹圃臣于野羣鳧雁樂歲同矜拮拾豐

其二

涼風催葉下空林  
寥寥難爲梁甫唵  
宛脊疎麻問  
荒菜遂臨秋水奏孤琴  
天高九子青霞吐雲湧  
三茅絳羽淡延竚江潭問  
江月宵寒寧禁鶴鳴陰

齊价人見訪集園止飲

門柳日凋枯蕭蕭雀亦無  
奇懷眷冰雪高會壓尊  
鱸葉響矜林靜樽喧失月孤  
感君芳艸意歡笑向窮途



用韻答胤平見懷卽送其江上還朝

解薛還雲陛臣情戀闕深曙雞江館夢煙鳥故園  
心視艸宮英舞鳴珂禁月臨因君幽思破霄漢入  
荒吟

巖居答溫直指再訊

栖景向巖阿閒杯理嘯歌起居付殘帙音旨及荒  
蘿星映寒塘艸風喧野徑蘿餘生微尚在終自戀  
漁叢

其二



道直寧辭黜高天鑒自存風霜留弱植丘壑飲深  
恩印屐寒林雪攤書上屋瞰何當謝鋤笠簷隙望  
高軒

姑溪雨泊有懷淮海彭城友人

江聲挾雨入孤懷此夕何堪鴻雁來淮海地卑潮  
近月逐臣夢遠雪疑梅煙綿漂母炊魚地雲接彭  
城戲馬臺世事物情君自笑子山空切暮年哀

與黃玄龍共酌

湖汀煙月細汭曲土花香盡子移家地令予結夢

長清燈肅良會醉語壓高霜履跡探橋艸春添碧  
未荒

泊天門寄元甫

別意無持贈寒香嶼嶼通舟痕開積雪夢路察飛  
鴻是地栖帆月前期對酒峰此情入琴理莫藉古  
人同

江雪憶家園兄弟

天水欲無色何知江雪淡帆開洲渚路客領雁鴻  
心霽扶翻虛幌寒樽媚夕林故園吟賞意此際入

孤琴

雪後泊清谿月中有懷宗白

旅情隨雁入目盡暮雲端  
頽脊孤峰月來同野泊  
寒枝燈曙淡壑高雪寄危巒  
此際清谿夢遙心向  
爾安

依韵答劉孝廉觀敬見訪卽送其北上

觀敬

彭澤人

煙蘿寒鳥滿閒園  
冰雪能來步履痕  
夜氣光煩推  
象緯春思香欲動  
蘭蓀柴桑漸與山雲別  
天祿高

瞻閣火存巖築自嗤無夢路看君霜翮事孤鸞

慰吳明府闇生失職并邀寓集園

樵悴年來向水濱蕙稠蘭榭漫相親  
麥魚載起蘆中色簞豆能推桑下人  
單父厲聲琴裏調萊蕪罪格甌間塵  
繇來守職難爲吏窮海雞栖脊負薪

壽方良一四十

知君懷尚勝玄英抱膝長閒松桂  
壽咏望字充雲母飯沈丸人誦藥  
珠經叩門顏脊騎魚客隱几  
時聞馭鶴笙秋露瀼瀼幽可掬  
相期菊頂鬪青精

龍泉菴二首

香界岩堯判俗氛，藤垂磴戶碧紛紛。  
遠山自露詩中岫，澗壑長棲夢裏雲。  
蟬弄秋吟渾似鳥，僧分茗椀亦成曛。  
雲林且喜無人跡，窅窅青峰下鹿羣。

其二

嫋嫋秋風叢桂枝，藍輿肯負北山期。  
朝飡每與堂僧共，幽夢猶嫌野雀知。  
砌冷儘供蟲語沸，峰高何礙月歸遲。  
濯纓時過清溪曲，來往閒魚幸不疑。

十五夜西峰看月

山月識鐘聲鐘動月亦上鮮潔映空林艸木發光  
相西峰在伐柯振衣事孤往幽溪已足快于此晤  
軒朗塵累盡唐捐空明入非想但覺銀海波浮光  
浚天壤石骨爲之寒山靈亦演漾所以松風生羣  
峰劃然響

十六夜再同諸社子西峰看月

香閣切幽岑晚鐘清且窈就月登西峰峰端月初  
晶乍覲快孤明坐久更淡悄白毫現空林冷光襲  
棲鳥方袍二三人結趺當木杪笑言衆壑聞柝義

天花繞遙見前湖白或恐下方曉

石巢夜起看月已而雨

山月還未沒山雨旋廉纖月以延孤光雨能暝餘  
炎清景天所閱二者常不兼而獨巖栖人晴雨兩  
無嫌如花寄瓶中信手隨所拈對月空芳樽往往  
意不厭趁此微雨過植杖携屨鑿磯彼石上蕨待  
此峰頭瞻倦卽枕曲肱吟則掀疎髯石榻橫秋窗  
窗冷夢亦懨久拜兩疏疏穩作陶潛潛乃知丘壑  
中恣取元不廉適意斯已矣來日吾何占

詠懷堂詩

外集

乙部  
卷十六



冬日同元甫集倪世符藕花居得疎字

蕭條歌謝楚人興，來藉琴樽媚索居。  
遵渚影依鴻雁後，醉香心繞芰荷初。  
語翻風海能辭綺，杯點霜筌可耐疎。  
汝社饒君整寒色，葭蕙遙與勝江魚。

出都別馬時良汪遺民

捧檄寧親代所稀，石湖况有舊漁磯。  
輕舟喜共湍鷗下，鄉夢先于社燕歸。  
對見江城飛柳絮，還家山館驗松圍。  
長林幸戢孤飛翼，敢向鵬鸞判是非。

其二

吾廬小築大江邊，江上秋雲倍可憐。  
沽酒直于漁網下，濯纓卽在艸堂前。  
青青桃葉迴歌扇，白白蘆花覆釣船。  
更有洞簫吹月夕，遨遊何異挾飛仙。

贈黃博士王屋

吾友黃王屋，文章燦如綺。民社豈不諳，不易讀書美。  
所以一鳴琴，但飲長淮水。猶然畏折腰，棄之復如屣。  
卧轍父老嗟，候門童穉喜。再坐梁園壇，談經破臯比。  
修竹鳴清風，其心亦如此。六館俊髦窟，君來執牛耳。  
奇繡石鼓文，博極天人旨。貫酒苦無錢。

環堵都種紙余官亦多暇清齋長隱几於此挹汪  
洋吾以銷吾鄙

送余駕部集生 予告二首

榆塞駸駸鏃騎塵盾頭試艸墨花新久推馬脊多  
高骨不辨龍頷有逆鱗薑桂豈投羹鼎好薜蘿因  
寄漆園身慙余小艸占華省簪筆虛稱獻納臣

其二

石頭葭莢正蒼然一葉身輕去若仙仗馬長鳴關  
紫禁冥鴻高翻入青天就荒松菊瞻衡宇無恙風

波有釣船我欲小舟汎江海石門晴日卧秋煙

憶石巢水雲蘭若諸衲

夢尋支遠輩鐘磬若微聞偶見梁間月思君嶺上  
雲栽蓮追白社縱雀入青雲莫戀山窓翠芭蕉又  
不分

其二

失計學干祿長歌懷採薇還嫌握手日不見梨花  
飛雙樹栖煙冷疎鐘報雨微夜淡山葉響好待倦  
雲歸

其三

跌坐憶終日相看惟一峰  
滿山多種芋乘雨或移  
楓須掩竹房卧不然嵐氣濃  
朱門等篷戶吾欲笑  
溪公

次淮陰喜家僮迎至

青山漸與皖峰隣  
山色迎人較亦親  
江樹宮雲千里夢  
賓鴻社燕兩年身  
懸知薄宦成飄泊  
未敢逢人道苦辛  
此日故園風景好  
藕花爭放稻香勻

淮陰贈蔡遊戎生府

任城昔問何其夜淮海今逢宛在人不耐折腰寧  
訝黜苟能存舌莫憂貧劍辭蜀徼風塵色甕貯兵  
廚麩米春散髮釣魚無不可絲來能夢到垂綸

高郵集彭水部孝弱調鶴軒

翻是郎官舍能生隱者心伊人同野雀其樹類祗  
林滿徑覆深艸當軒巢水禽隣墻出高柳還與乞  
清陰

其二

粉署虛生白冬曹夏亦寒排衙蒲稗曲判事水雲

端鑿牖正當竹滿堦多種蘭不知人境裏亦復有  
僊官

感遼事四首

己未春

帝日長臨東海波赴湯其奈釜魚何大車有骨專  
長狄小醜無知比尉陀行役年來問原隰憂天夜  
起視星河毛隣徼外山如雪勒石行看屬斧柯

其二

落日腥沙白骨橫春風不到受降城錦貂盡瘞名  
王帳刁斗虛傳漢將營萬竈可憐埋艸露長弓何

日下攬槍兪兒瓠種咸充幕銅虎還徵樂浪兵

其三

拊心忍憶 聖躬勞下瀨樓船合度遼儘有懸金  
酬士死誰其飲羽射天驕春風塞艸青無色夜雨  
幽燐碧未消天馬不來濛谷冷祁連空築漢嫫姚

其四

戎索承平未可寬羯奴無賴抵三韓城邊烏尾訛  
偏劇殿外螭頭影尚寒首偕黃雲屯萬騎梅花火  
樹照千官夢回雞塞聽燈市簫鼓闐闐未肯闌



奉使涼州出 都門

雲開春殿詔初承，絳節傳呼到五陵。  
曉騎纔迷燕市雪，朝炊忽煮白河水。  
暫拋馬上櫻桃籠，且刷龍山柳。  
檜藤瓦枕竹床無恙否，題書先問石巢僧。  
渡易水同東，朴瑕仲旅酌。

風過易水尚蕭蕭，古柳巔峴發短條。  
茅屋數椽成小聚，土杯一醉買春醪。  
危橋剩雪遲驅馬，野戍團煙隱佩刀。  
却憶江南好風景，酒帆高赴石門潮。

滕陽道中

官橋河畔柳垂垂立馬躊躇看古碑處處雞豚喧  
社鼓家家兒女纜春絲炊煙不散田文墓握粟還  
尋管輅祠薄暮千村桑柘黯蕭條井里悵吾思

漢高皇廟

芒碭雲飛去不還荒祠今古寄山顛悠悠驅馬問  
野渡漠漠聞禽過水田艸昧龍蛇寒食雨蕭條弓  
劍大河煙可憐戲馬臺相望一樣春風開杜鵑

長安道上戲贈汪休伯

休伯善醫

經年服食學長生佩有茱萸粲紫英却笑臨邛病

司馬誤從天上乞金莖

其二

青袍白馬黃塵邊肘後素書長高懸蛛網莫教封  
藥裏秦中天子好神仙

題李文清文學友雲館

層樓出河漢慷慨望西京宮闕暮煙靄陵園秋艸  
生平沙苑獵火古戍帶笳聲此際江南客登臨無  
限情

洮州健兒行

洮州健兒騎大馬道逢高軒不肯下擊鮮賭酒割  
牛羊芻粟紛紛掠原野頭白老翁驅負薪小姑娘  
嬾令抱衾酣歌大嚼意不足抽刀橫索床頭金吁  
嗟乎此曹虓詔慘于虜芥蠶尸僵目還弩氊裘未  
掃板屋空萬戶千村淚如雨醜奴螳臂逆顏行海  
西烽火明遼陽若斬樓蘭報天子士女何惜傾  
壺漿所嗟此曹朝氣索韉鷹一飽不復搏可能鳴  
劍馳伊吾未必據鞍誇矍鑠縱金伐鼓聞雷坪高  
牙大纛呼將軍坐看部曲擇人肉充耳銜枚如不

聞

秦中初度口占

秋風瑟瑟鴻雁號  
敝裘羸馬黃塵高  
泥沙委頓不知苦  
旅館清樽傾濁醪  
樽中爛爛明長庚  
蓬弧始憶懸茲辰  
日暮山城急砧杵  
霜酣江上思鱸蓴  
玉壺醉擊歌慨慷  
悠悠逝水如年光  
五斗飯粟長齷齪  
二毛點鬢空蒼琅  
三十執戟不早道  
傍狗祿胡艸艸徑中  
松菊幾荒蕪  
肘後垂楊日枯槁  
吁嗟乎男兒手不艸  
乎胡便當散髮歸  
江湖捕魚射鴈

無不可耳生車中謀則左

同豹叔宗白夜集

涼雨洗庭樹人閒月復然  
瓷申評菊夜燈澹欲霜  
天幽諷長鄰唄清言不累禪  
吾廬釀初熟栗里倘  
無懸

沉香亭

海棠長睡不曾醒濃艷餘香尚有亭亭北梧桐  
滴  
秋露遊人莫唱雨淋鈴

其二

巫山雲雨散如煙  
亭樹含霜秋可憐  
莫向馬嵬問消息  
黃花特似洗兒錢

其三

名花零落野花開  
秋徑猶飛蛺蝶來  
寂寂孤亭明月轉  
更無人報打毬回

其四

爲憶雲鬟捧硯時  
高懸醉筆寫烏絲  
欲知宮錦人何在  
秋艸寒蛩采石祠

詠懷堂詩外集

乙部終

古簡